

Bosna i Hercegovina
FEDERACIJA BOSNE I HERCEGOVINE
SREDNJOBOSANSKI KANTON
MINISTARSTVO PRAVOSUĐA I UPRAVE

Broj: 03-04-2-7788/23-6
Travnik, 19.01.2024. godine

Na osnovu člana 56. stav (2) Zakona o organizaciji organa uprave u Federaciji BiH („Službene novine Federacije BiH“, broj: 35/05) i člana 8. Zakona o pečatu Srednjobosanskog kantona („Službene novine Srednjobosanskog kantona, broj: 5/16-prečišćeni tekst), ministrica pravosuđa i uprave, r a s p i s u j e

JAVNI POZIV

za izbor ovlaštene pečatoreznice za izradu pečata organa Srednjobosanskog kantona

I

Objavljuje se Javni poziv za izbor ovlaštene pečatoreznice za izradu pečata organa Srednjobosanskog kantona, sa sjedištem u Travniku, na razdoblje od četiri godine.

II

Pozivaju se sva zainteresovana pravna lica, koja se u okviru svoje registrovane djelatnosti bave izradom pečata i koji ispunjavaju uslove ovog Javnog poziva da se prijave, radi odabira ovlaštene pečatoreznice za izradu pečata organa Srednjobosanskog kantona.

III

Pečatoreznica treba da ispunjava sljedeće uslove:

1. Da je registrovana u odgovarajućem registru pravnih lica, za obavljanje djelatnosti izrade pečata;
2. Da ima sjedište u Travniku;
3. Da nema neizmirenih obaveza po osnovu javnih prihoda za PIO/MIO i zdravstveno osiguranje, direktnih poreza u skladu sa važećim propisima u BiH;
4. Da posjeduje adekvatne prostorije i da ispunjavaju tehničke i elektroničke sposobnosti, u skladu sa Uputstvom o radu pečatoreznice, načinu vođenja evidencije o izrađenim pečatima, uništavanju pečata, nestanku pečata i evidenciji o pečatima i označavanju novih pečata („Službene novine Srednjobosanskog kantona, broj: 3/97).

IV

Ponuda treba da sadrži sljedeće:

- Prijavu na poziv (formu i sadržaj prijave na poziv potencijalni ponuđači sami kreiraju)
- Rješenje o upisu u registar pravnih lica ili drugi dokaz o registraciji u odgovarajućem profesionalnom ili drugom registru u kojem su registrirani;
- Uvjerenje o poreznoj registraciji - identifikacioni broj;
- Uvjerenje/potvrda o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Porezne uprave FBiH, ne starije od 3 mjeseca od podnošenja prijave;

- Ovjerenu izjavu podnosioca prijave da posjeduje stručni kadar, adekvatne poslovne prostorije, tehničku i elektroničku opremu za izradu pečata, u skladu sa odredbama Uputstva o radu pečatoreznice, načinu vođenja evidencije o izrađenim pečatima, uništavanju pečata, nestanku pečata i evidenciji o pečatima i označavanju novih pečata („Službene novine Srednjobosanskog kantona, broj: 3/97), a koje je dostupno na web stranici Ministarstva pravosuđa i uprave Srednjobosanskog kantona.
- Popunjen, potpisan i ovjeren Obrazac za cijenu ponude, koji je dostupan na web stranici Ministarstva pravosuđa i uprave Srednjobosanskog kantona.

Svi prilozi uz prijavu moraju biti u originalu ili ovjerenj kopiji.

V

Javni poziv će biti objavljen u dnevnim novinama „Dnevni Avaz“ i na web stranici Ministarstva pravosuđa i uprave Srednjobosanskog kantona.

Rok za podnošenje prijave na Javni poziv iznosi 15 (petnaest) dana od dana objave u dnevnim novinama.

Prijava sa traženom dokumentacijom podnosi se Ministarstvu pravosuđa i uprave Srednjobosanskog kantona poštom preporučeno na adresu Stanična 43, Travnik uz naznaku:

MINISTARSTVO PRAVOSUĐA I UPRAVE SREDNJOBOSANSKOG KANTONA
PRIJAVA NA JAVNI POZIV ZA IZBOR OVLAŠTENE PEČATOREZNICE ZA
IZRADU PEČATA ORGANA SREDNJOBOSANSKOG KANTONA
(NE OTVARATI)

VI

Nepotpune, neblagovremene i neuredne prijave, te prijave koje ne ispunjavaju uslove Javnog poziva, neće se uzimati u razmatranje.

Izbor ovlaštene pečatoreznice za izradu pečata organa Srednjobosanskog kantona izvršit će se prema kriteriju najniže cijene ponude iz Obrasca za cijenu ponude u kojem je jasno navedena specifikacija traženih pečata, te garancija na izradene pečate.

Ministrica pravosuđa i uprave Srednjobosanskog kantona će posebnim rješenjem ovlastiti pečatoreznicu sa sjedištem u Travniku za izradu pečata organa Srednjobosanskog kantona, na razdoblje od četiri godine.

